



Broj: 12/08-23-14061-7/22
Zenica, 31.10.2022. godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12/08-23-14061-6/22, od 31.10.2022. godine, u otvorenom postupku javne nabavke za radove broj: 1417-1-3-60-3-47/22 od 20.09.2022. godine, Kantonalna direkcija za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – „**Sanacija regionalne ceste R413a, dionica Čajdraš-Lokvine**“ broj: 1417-1-3-60-3-47/22 od 20.09.2022. godine, ponuda ponuđača „ALMY-TRANSPORT“ d.o.o. Zenica (broj 1610/I/22 od 18.10.2022. godine) sa ukupno ponuđenom cijenom od 850.500,30 KM (bez uračunatog PDV-a) izabrana je kao najpovoljnija.

II

Ponuđač „ALMY-TRANSPORT“ d.o.o. Zenica (ID broj: 4218398500008), adresa Bistua Nuova do br. 17, 72000 Zenica, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

III

Ponuda ponuđača „KOMGRAD-ZE“ d.o.o. Zenica se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-14061/22 od 20.09.2022. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-60-3-47/22 objavljeno je na Portalu javnih nabavki 20.09.2022. godine.

Komisija za javne nabavke imenovana rješenjem broj: 12/08-23-14061-3/22 od 14.10.2022. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za dostavljanje ponuda pristiglo je 5 (pet) ponuda.

U periodu od 19.10.2022. godine do 26.10.2022. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača „KOMGRAD-ZE“ d.o.o. Zenica se odbacuje jer nije dostavljena u skladu sa tačkom 28.1. tenderske dokumentacije. Naime, tačkom 28.1. tenderske dokumentacije propisano je da garancija za ozbiljnost ponude stupa na snagu na dan otvaranja ponuda u 12:00 sati, i važi 120 dana.

Dakle, garancija za ozbiljnost ponude stupa na snagu na dan otvaranja ponuda, tj. na dan 19.10.2022. godine u 12:00 sati i važi 120 dana odnosno do 16.02.2022. godine do 12:00 sati.

Ponuđač „KOMGRAD-ZE“ d.o.o. Zenica je uz ponudu dostavio garanciju za ozbiljnost ponude broj: 34723 od 17.10.2022. godine izdatu od SPARKASSE Bank d.d. Bosna i Hercegovina na iznos od 12.820,51 KM, koja stupa na dan 19.10.2022. godine u 12:00 sati a ističe na dan 15.02.2023. godine u 17:00 sati.

Također, ponuđač „KOMGRAD-ZE“ d.o.o. Zenica je u svojoj ponudi na strani 2. na mjestu predviđenom za upis roka važenja ponude upisao 15.02.2022. godine, te tako postupio suprotno tački 24. Tenderske dokumentacije, kojom je propisano da ponude trebaju da važe 120 dana od isteka roka za prijem ponuda, s obzirom da je rok za prijem ponuda bio 19.10.2022. godine.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), i tačke 28.3. tenderske dokumentacije, ponuda ponuđača „KOMGRAD-ZE“ d.o.o. Zenica se odbacuje, jer nije potpuna i ne ispunjava zahtjeve iz tenderske dokumentacije.

Preostale pristigle ponude, ponuđača „ALMY-TRANSPORT“ d.o.o. Zenica, „DOBOJPUTEVI“ d.d. Doboj Jug i „JATA GROUP“ d.o.o. Srebrenik, te Grupe ponuđača koju čine „ŠPIC BETON“ d.o.o. Zenica i „ADO TRANS“ d.o.o. Visoko, ispunjavaju postavljene uslove, te je za 28.10.2022. godine zakazano provođenje e-aukcije, sa početkom u 14:00 sati i predviđenim trajanjem od 10 minuta. E-aukcija je uspješno okončana, te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rbr	Ponuđač	Ukupna cijena ponude bez PDV-a
1.	„ALMY-TRANSPORT“ d.o.o. Zenica	850.500,30 KM
2.	„DOBOJPUTEVI“ d.d. Doboj Jug	851.351,94 KM
3.	Konzorcij „ŠPIC BETON“ d.o.o. Zenica i „ADO TRANS“ d.o.o. Visoko	860.985,00 KM
4.	„JATA GROUP“ d.o.o. Srebrenik	988.373,68 KM

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „ALMY-TRANSPORT“ d.o.o. Zenica.

Ugovorni organ prihvatio je preporuku Komisije za javne nabavke da se najpovoljnijem ponuđaču „ALMY-TRANSPORT“ d.o.o. Zenica dodijeli Okvirni sporazum za radove „Sanacija regionalne ceste R413a, dionica Čajdraš-Lokvine“.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda

Dostavljeno:

5 x svim ponuđačima,

1 x a/a

Obradio:

Elmedin Bašić

